



Број: 01/5-50-1-218/21

Сарајево, 2. 2. 2021.

**IZVJEŠTAJ O RADU KOMISIJE ZA SAOBRAĆAJ I KOMUNIKACIJE
PREDSTAVNIČKOG DOMA U 2020. GODINI**

Sarajevo, februar 2021. godine

SADRŽAJ

POGLAVLJE I. UVODNI DIO	3
Tabela 1. Pregled sjednica Komisije s tačkama dnevnog reda	4
POGLAVLJE II. IZVJEŠTAJ O AKTIVNOSTIMA KOMISIJE.....	5
Odjeljak A. Zakonodavne aktivnosti.....	5
Odjeljak B. Izvještaji o radu.....	5
Odjeljak C. Imenovanja.....	6
Odjeljak D. Aktivnosti vezane za razmatranje i usvajanje ostalih akata	6
Odjeljak E. Međunarodna saradnja, seminari, konferencije i radni sastanci	8
POGLAVLJE III. REZIME	8

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19 i 26/20), u skladu s Uputstvom o metodologiji izrade izvještaja o radu komisija Parlamentarne skupštine BiH (broj: 01,02-02-4-574-1/13 od 10. 4. 2014) i zaključkom Predstavničkog doma (broj: 01-50-1-15-15/15 od 22. 7. 2015), Komisija za saobraćaj i komunikacije Predstavničkog doma Parlamentarne skupštine Bosne i Hercegovine podnosi Predstavničkom domu Parlamentarne skupštine Bosne i Hercegovine sljedeći

Izvještaj

o radu Komisije za saobraćaj i komunikacije Predstavničkog doma u 2020. godini

POGLAVLJE I. UVODNI DIO

Komisija za saobraćaj i komunikacije Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Predstavničkog doma Parlamentarne skupštine BiH (u daljnjem tekstu: Predstavnički dom). Djelokrug Komisije određen je članom 48. Poslovnika Predstavničkog doma prema kojem Komisija razmatra pitanja koja se odnose na: putne isprave, uspostavljanje i funkcioniranje zajedničkih i međunarodnih komunikacija, reguliranje međunarodnog i međuentitetskog saobraćaja, civilno zrakoplovstvo, informaciono-komunikacione tehnologije i druga pitanja iz oblasti saobraćaja i komunikacija.

Predsjedavajući Komisije je Nenad Nešić, prvi zamjenik predsjedavajućeg je Nermin Mandra, a drugi zamjenik je Predrag Kožul. Ostali članovi Komisije su: Branislav Borenović, Vlatko Glavaš, Predrag Kojović, Mirsad Kukić, Edin Mušić i Sanja Vulić.

Predstavnički dom je na 3. sjednici, održanoj 16. 1. 2020, imenovao Sanju Vulić za novog člana Komisije, umjesto Staše Košarca.

Sekretar Komisije je Ahmed Jalovičić.

Komisija je obavljala poslove iz svoje nadležnosti u skladu s Planom rada i procedurama utvrđenim Poslovníkom Predstavničkog doma.

U izvještajnom periodu Komisija je održala šest sjednica, s ukupno 38 tačaka dnevnog reda, u okviru kojih je usvojila osam zaključaka.

Prosjek prisustva članova Komisije sjednicama Komisije je 76 %, a sjednice su u prosjeku trajale 42 minute.

Tabela 1. Pregled sjednica Komisije s tačkama dnevnog reda

Broj i datum održavanja sjednice	Broj razmatranih tačaka dnevnog reda na sjednici	Prisustvo članova sjednicama Komisije (%)
2. sjednica 15. 1. 2020.	9	100
3. sjednica 3. 2. 2020.	7	78
4. sjednica 26. 2. 2020.	4	78
5. sjednica 9. 6. 2020.	6	67
6. sjednica 14. 9. 2020.	6	78
7. sjednica 9. 12. 2020.	6	56
Ukupan broj sjednica: 6	Ukupan broj razmatranih tačaka: 38	Prosječno prisustvo: 76

POGLAVLJE II. IZVJEŠTAJ O AKTIVNOSTIMA KOMISIJE

U izvještajnom periodu Komisija je održala šest sjednica.

Na šest održanih sjednica Komisija je razmatrala dva prijedloga zakona, deset izvještaja o radu institucija iz nadležnosti Komisije, kao i druge akte iz svoje nadležnosti.

Na 2. sjednici Komisije, održanoj 15. 1. 2020, usvojen je je Izvještaj o radu Komisije za 2018. godinu i Orijentacioni radni plan Komisije za 2020. godinu.

Na 3. sjednici Komisije, održanoj 3. 2. 2020, usvojen je Izvještaj o radu Komisije za 2019. godinu.

U izvještajnom periodu nije bilo putovanja u organizaciji Komisije.

Odjeljak A. Zakonodavne aktivnosti

Komisija je u 2020. godini razmatrala dva prijedloga zakona, i to:

1. Prijedlog zakona o izmjeni i dopunama Zakona o putnim ispravama Bosne i Hercegovine, predlagač: poslanik Damir Arnaut.
Negativno mišljenje Komisije. Predstavnički dom je na 4. sjednici, održanoj 4. 2. 2020, prihvatio negativno mišljenje Komisije, te je Prijedlog zakona odbijen u prvom čitanju.
2. Prijedlog zakona o elektronskoj identifikaciji i uslugama povjerenja za elektronske transakcije, predlagač: Vijeće ministara BiH.
Pozitivno mišljenje Komisije. Predstavnički dom na 9. sjednici, održanoj 10. 6. 2020, u drugom krugu glasanja, nije usvojio Prijedlog zakona u prvom čitanju.

Odjeljak B. Izvještaji o radu

U izvještajnom periodu Komisija je razmatrala izvještaje o radu institucija Bosne i Hercegovine za koje je nadležna, i to:

1. Izvještaj o radu Vijeća ministara BiH za 2017. godinu, u dijelu koji se odnosi na aktivnosti iz djelokruga Ministarstva komunikacija i prometa BiH i Regulatorne agencije za komunikacije BiH;
2. Izvještaj o radu Vijeća ministara BiH za 2018. godinu, u dijelu koji se odnosi na aktivnosti iz djelokruga Ministarstva komunikacija i prometa BiH i Regulatorne agencije za komunikacije BiH;
3. Izvještaj o radu Vijeća ministara BiH za 2019. godinu, u dijelu koji se odnosi na aktivnosti iz djelokruga Ministarstva komunikacija i prometa BiH;
4. Izvještaj o radu i finansijski izvještaj Agencije za poštanski saobraćaj BiH za 2018. godinu;

5. Izvještaj o radu i finansijski izvještaj Agencije za poštanski saobraćaj BiH za 2019. godinu;
6. Izvještaj o radu i poslovanju BHRT-a za 2017. godinu, Izvještaj o realizaciji programskih planova BHRT-a za 2017. godinu, Finansijski plan i planovi rada BHRT-a za 2018. godinu;
7. Izvještaj o radu i poslovanju BHRT-a za 2018. godinu, Izvještaj o realizaciji programskih planova BHRT-a za 2018. godinu, Finansijski plan i programski planovi za 2019. godinu;
8. Izvještaj o finansijskom poslovanju BHRT-a za 2019. godinu, Programski plan i Finansijski plan BHRT-a za 2020. godinu;
9. Izvještaj o radu Državne regulatorne komisije za električnu energiju za 2018. godinu;
10. Izvještaj o radu Državne regulatorne komisije za električnu energiju za 2019. godinu.

Odjeljak C. Imenovanja

U izvještajnom periodu Komisija nije razmatrala imenovanja iz svoje nadležnosti.

Odjeljak D. Aktivnosti vezane za razmatranje i usvajanje ostalih akata

Komisija je u okviru svoje nadležnosti razmatrala sljedeće akte:

1. Poslanička inicijativa Saše Magazinovića, koja glasi: „U skladu s članom 8. Poslovnika Predstavničkog doma Parlamentarne skupštine Bosne i Hercegovine, podnosim poslaničku inicijativu kojom se Vijeće ministara BiH obavezuje da u roku od 30 dana donese dopunu Pravilnika o uslovima nabavke i načinu korištenja službenih vozila u institucijama Bosne i Hercegovine, na način da se propiše jasno označavanje službenih vozila naljepnicom ili na drugi odgovarajući način kako bi učesnicima u saobraćaju, kao i građanima bilo jasno vidljivo da se radi o službenom vozilu i kojoj instituciji pripada, a sve u svrhu sprečavanja zloupotreba korištenja“;
2. Poslanička inicijativa Damira Arnauta, koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine, podnosim poslaničku inicijativu kojom se od Ministarstva komunikacija i prometa BiH traži da pripremi i u proceduru dostavi izmjene i dopune Zakona o osnovama sigurnosti saobraćaja na putevima u Bosni i Hercegovini, kojim bi se značajno pooštrile sankcije za vozače motornih vozila u praktičnom upravljanju vozilom kod kojih se utvrdi količina alkohola u krvi preko 1.5 g/kg (član 174. stav (2) Zakona)“;
3. Poslanička inicijativa Aide Baručije, koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine, podnosim poslaničku inicijativu kojom se zadužuje Vijeće ministara BiH da uradi analizu sigurnosti i tehničke opremljenosti na željezničkim stanicama u Bosni i Hercegovini“;
4. Poslanička inicijativa Predraga Kojovića, Aide Baručije, Mirjane Marinković-Lepić i Damira Arnauta, koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine, podnosimo poslaničku inicijativu kojom

se Predstavnički dom Parlamentarne skupštine BiH obavezuje da, u skladu s članom 39. Zakona o komunikacijama ('Službeni glasnik BiH', br. 31/03, 75/06, 32/10 i 98/12), najkasnije u roku od 30 dana pokrene postupak izbora članova Vijeća Regulatorne agencije za komunikacije BiH“;

5. Poslanička inicijativa Aide Baručije, Mirjane Marinković-Lepić, Damira Arnauta i Predraga Kojovića, koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine, upućujemo poslaničku inicijativu kojom se Vijeće ministara BiH i nadležne službe obavezuju da, prilikom direktnih prijenosa ili emitiranja snimaka sjednica tijela i institucija BiH, putem audiovizuelnih medija osiguraju prevođenje na znakovni jezik“;
6. Poslanička inicijativa Damira Arnauta, koja glasi: „Nalaže se Vijeću ministara Bosne i Hercegovine da u roku od 10 dana od dana usvajanja ove inicijative provede svu neophodnu proceduru prema nadležnim organima Republike Hrvatske s ciljem prekategoriizacije graničnog prijelaza Gabela Polje za međunarodni putnički saobraćaj ili njegovog otvaranja za malogranični saobraćaj, a u svakom slučaju otvaranja navedenog graničnog prijelaza za malogranični saobraćaj učenika osnovnih i srednjih škola“;
7. Poslanička inicijativa Denisa Zvizdića, koja glasi: „Predstavnički dom Parlamentarne skupštine BiH zadužuje Vijeće ministara BiH da u što kraćem roku, a ne kasnije od 30 dana od dana usvajanja ove inicijative, pripremi i uputi u parlamentarnu proceduru revidirani Prijedlog zakona o elektronskim komunikacijama i elektronskim medijima u Bosni i Hercegovini, koji će biti usklađen s pravnom tečevinom Evropske unije i preporukama Pododbora za inovacije, informaciono društvo, socijalnu politiku i javno zdravstvo, te uz uvažavanje ranijih sugestija iz mišljenja nadležnih institucija“;
8. Inicijativa Agencije za bezbjednost saobraćaja Republike Srpske za usklađivanje Zakona o osnovama sigurnosti saobraćaja na putevima u Bosni i Hercegovini s Direktivom Evropskog parlamenta i Vijeća br. 2006/126/EZ o vozačkim dozvolama;
9. Informacija Ministarstva komunikacija i prometa BiH u vezi sa Inicijativom Agencije za bezbjednost saobraćaja Republike Srpske;
10. Informacija o stanju sigurnosti i tehničkoj opremljenosti na željezničkim stanicama u Bosni i Hercegovini;
11. Inicijativa Udruženja vlasnika putujućih zabavnih parkova u Bosni i Hercegovini za dopune Zakona o osnovama sigurnosti saobraćaja na putevima u Bosni i Hercegovini;
12. Izvještaj nezavisne revizorske kuće o reviziji finansijskog izvještaja BHRT-a na dan 31. 12. 2019;
13. Zaključak Upravnog odbora BHRT-a u vezi s problemom upisa u sudski registar kapitala i vlasnika kapitala;
14. Odgovor BHRT-a u vezi sa zaključkom s 3. sjednice Komisije;
15. Odgovor BHRT-a u vezi sa zaključkom s 12. sjednice Predstavničkog doma;
16. Finansijski plan Državne regulatorne komisije za električnu energiju za 2019, 2020. i 2021. godinu;
17. Obavještenje o projektu „Tehnička podrška javnim medijskim servisima na Zapadnom Balkanu“;
18. Dopis Udruženja privatnih poštanskih operatera;

19. Prijedlog izvještaja o radu Komisije za saobraćaj i komunikacije Predstavničkog doma u 2018. i 2019. godini;
20. Prijedlog orijentacionog radnog plana Komisije za saobraćaj i komunikacije Predstavničkog doma za 2020. godinu.

Odjeljak E. Međunarodna saradnja, seminari, konferencije i radni sastanci

Član Komisije Vlatko Glavaš učestvovao je na online diskusiji pod nazivom „Ulaganja u 4G mrežu u Bosni i Hercegovini: Na šta obratiti pažnju?“ koja je održana 30. 9. 2020, u organizaciji Centra civilnih inicijativa.

POGLAVLJE III. REZIME

Na osnovu navedenih aktivnosti, može se konstatirati da je Komisija u 2020. godini blagovremeno razmatrala sve materijale iz njene nadležnosti.

Na početku godine razmatrani su materijali koji su preostali iz prethodnog saziva Komisije, tako da su razmatrani izvještaji o radu pojedinih institucija iz 2017. godine. Također, zbog kašnjenja u formiranju stalnih komisija Predstavničkog doma u sazivu 2018-2022, sa zakašnjenjem su razmatrani izvještaji o radu institucija iz 2018. godine.

Zbog mjera i preporuka nadležnih entitetskih i kantonalnih institucija, donesenih povodom krize izazvane koronavirusom (COVID-19), u jednom vremenskom periodu nisu održavane sjednice Komisije.

U domenu zakonodavne aktivnosti Komisija je u 2020. godini razmatrala dva prijedloga zakona. Vijeće ministara BiH je u izvještajnom periodu u parlamentarnu proceduru dostavilo jedan prijedlog zakona iz nadležnosti Komisije, dok je predlagač drugog prijedloga zakona bio poslanik iz Predstavničkog doma.

Komisija je kontinuirano sarađivala s Vijećem ministara BiH i resornim Ministarstvom komunikacija i prometa BiH, pa su ministar komunikacija i prometa BiH ili pomoćnici ministra, prisustvovali sjednicama Komisije prilikom razmatranja prijedloga zakona i akata iz nadležnosti Ministarstva komunikacija i prometa BiH.

PREDSJEDAVAJUĆI KOMISIJE
Nenad Nešić

Prilog: Tabela 2. Tabela prikaz prisustva članova sjednicama Komisije

Tabela 2. Tabela prikaz prisustva članova sjednicama Komisije

Ime i prezime člana Komisije	Broj sjednice i datum održavanja sjednice Komisije					
	2	3	4	5	6	7
	15.1.2020.	3.2.2020.	26.2.2020.	9.6.2020.	14.9.2020.	9.12. 2020.
Nenad Nešić	+	+	+	+	+	-
Nermin Mandra	+	+	+	+	+	+
Predrag Kožul	+	+	+	-	+	-
Branislav Borenović	+	+	-	-	+	-
Vlatko Glavaš	+	+	+	+	+	+
Predrag Kojović	+	-	+	+	-	+
Mirsad Kukić	+	-	-	-	-	-
Edin Mušić	+	+	+	+	+	+
Sanja Vulić	*	+	+	+	+	+

* Napomena: Sanja Vulić imenovana je za novog člana Komisije na 3. sjednici Predstavničkog doma, održanoj 16. 1. 2020, umjesto Staše Košarca.